

JKP "STANDARD" d.o.o. Konjic

IZVJEŠTAJ NEZAVISNOG REVIZORA O OBAVLJENOJ REVIZIJI FINANSIJSKIH IZVJEŠTAJA

na dan 31.12.2022.godine

Mostar, April 2023.godine

IZVJEŠTAJ NEZAVISNOG REVIZORA O OBAVLJENOJ REVIZIJI FINANSIJSKIH IZVJEŠTAJA JKP „STANDARD” d.o.o. Konjic

Obavili smo reviziju finansijskih izvještaja **JKP „STANDARD” d.o.o. Konjic (u daljem tekstu: Preduzeće)** i to: Bilansa stanja na dan 31.12.2022., Bilansa uspjeha (Računa prihoda i rashoda) za period 01.01.-31.12.2022.godine, Izvještaja o gotovinskim tokovima, Izvještaja o promjenama u kapitalu za 2022.godinu i Zabilješke uz finansijske izvještaje.

Mišljenje

Prema našem mišljenju, osim efekata koji mogu biti posljedica dole naglašenih činjenica u osnovu za mišljenje, finansijski izvještaji za period poslovanja 01.01.-31.12.2022. godine kao i finansijski izvještaji u kojim je prikazan finansijski položaj Preduzeća na dan 31.12.2022. godine, predstavljaju u bitnim elementima istinit i fer pregled.

Osnov za mišljenje

Preduzeće u svojoj evidenciji na dan 31.12.2022.godine evidentira značajna potraživanja od kupaca. U poslovnoj 2022.godini Preduzeće je djelimično postupilo po preporuci revizora iz prethodne godine i izvršilo ispravku potraživanja od kupaca u iznosu od 51.025 KM, a naplatilo je otpisanih potraživanja u iznosu od 5.548 KM. Kako Preduzeće u svojoj evidenciji evidentira još potraživanja od kupaca starijih od godinu dana, to shodno načelu opreznosti smatramo da treba da izvrši analizu svojih potraživanja od kupaca i za ona potraživanja čija je naplata upitna izvrši ispravku potraživanja.

Ključna revizorska pitanja

Ključna revizorska pitanja su ona pitanja koja su bila po našoj profesionalnoj procjeni, od najveće važnosti za našu reviziju finansijskih izvještaja tekućeg perioda. Tim pitanjem smo se bavili u dijelu Osnova za mišljenje u kontekstu naše revizije finansijskih izvještaja kao cjeline i pri formiranju mišljenja, mi ne dajemo posebno mišljenje o tim pitanjima. Osim pitanja opisanih u dijelu Osnov za mišljenje odredili smo da nema drugih ključnih pitanja za objavljivanje u našem izvještaju.

Odgovornost Uprave za finansijske izvještaje

Kako je izloženo na stranici 3., Uprava je odgovorna za pripremu i fer predstavljanje priloženih finansijskih izvještaja u skladu sa Međunarodnim standardima finansijskog izvještavanja. Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Preduzeća. Također, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji. Pored toga, Uprava je odgovorna za čuvanje imovine Preduzeća, te za poduzimanje opravdanih koraka za spriječavanje i otkrivanje prijevare i drugih nepravilnosti.

**IZVJEŠTAJ NEZAVISNOG REVIZORA O OBAVLJENOJ
REVIZIJI FINANSIJSKIH IZVJEŠTAJA JKP „STANDARD” d.o.o. Konjic**
Nastavak

Odgovornost revizora:


Naša odgovornost svodi se na izražavanju mišljenja o tim finansijskim izvještajima na temelju provedene revizije. Obavili smo reviziju u skladu sa opšteprihvaćenim međunarodnim revizijskim standardima. Ti standardi zahtijevaju planiranje i obavljanje revizije tako da ona pruža razumno uvjerenje o tome ima li u finansijskim izvještajima značajnih pogrešaka. Revizijom je obuhvaćeno ispitivanje, na bazi testova, dokaza koji potkrepljuju iznose i objavljivanja iz finansijskih izvještaja. Međunarodnim standardima finansijskog izvještavanja (MSFI) i Međunarodnim računovodstvenim standardima (MRS). Revizija također, obuhvata primjenu računovodstvenih načela te značajne procjene uprave, kao i vrednovanje sveukupne prezentacije finansijskih izvještaja. Zbog prirode testa i drugih inherentnih ograničenja revizije, zajedno sa inherentnim ograničenjima računovodstvenog sistema i sistema interne kontrole, postoji neizbježiv rizik da čak i neka značajna pogrešna iznošenja činjenica mogu ostati neotkrivena. Na osnovu izvršene revizije, vjerujemo da je provedena procedura pouzdan temelj za izražavanje našeg mišljenja.

Reviziju su obavili Ovlašteni revizori:

Vedran Beganović, Certifikat Br. 3070027101



Jasmina Čorbo, Certifikat Br. 3070011105



Ovlaštni predstavnik društva:




Adisa Čorbo Ekonomist manager